

Tui puipui o le COVID-19 ma le soifua maloloina o to'ala fanau

Fesili Masani

E masani lava e iai popolega e uiga pe fa'apefea ona ono aafia le soifua maloloina o to'ala fanau i tui puipui o le COVID-19. Ua fautuaina e le Centers for Disease Control and Prevention (CDC, Nofoaga 'Autū o le Puleaina ma Puipuiga o Fa'ama'i) tui puipui ole COVID-19 mo tamaiti uma e 6 masina ma matutua atu, e aofia ai ma i latou o loo taumafai e ma'itaga i le taimi nei, poo ē e ono ma'itaga i le lumana'i. E leai se fa'amaoniga i le taimi nei o soo se tui, e aofia ai tui o le COVID-19, e mafua ai fa'afitauli o le lē ma'itaga i le taimi nei poo le lumana'i.

O nisi o le aufaitau e ono iai fa'alagona o le lē mautonu i mataupu o loo aofia i lenei pepa ona o fa'afitauli muamua sa feagai ai ma to'ala fanau, o tala fa'asolopito i faiga fa'aailoga lanu sa feagai ai ma tagata uli, poo le lē amanaiaina lautele o faitioga fa'alesoifua maloloina o fafine/tagata liliu mai ma fafine/fa'afatama, i totonu o mataupu tau fa'afoma'i.

Silasila i lalo e a'oa'o tali i nisi fesili masani e uiga i tui puipui o le COVID-19 ma le soifua maloloina o to'ala fanau.

Q: Fa'amata e a'afia le mafai ona ou fanau i tui ole COVID-19?

A: E leai se fa'amaoniga o soo se tui, e aofia ai tui o le COVID-19, e a'afia ai to'ala fanau, tusa lava poo le a le ituaiga/itupa. O tui e galulue fa'atasi ma puipuiga fa'alenua o lou tino e tetee atu i le siama o le corona ma e le fa'alavelave i ou totoga fanau. I taimi o su'esu'ega fa'afoma'i o tui o le COVID-19, ma i se sa'ililiga mo fa'amoemoega o le tele o ulugalii o loo taumafai e fia ma'itaga, o fua fa'atatau o le ma'itaga e tutusa ma i latou o loo faia tui o le COVID-19 ma i latou e le'i mauaina tui. O le tui o le COVID-19 e saogalemu ma aoga. O le [Centers for Disease Control and Prevention \(CDC\)](#), [American College of Obstetricians and Gynecologists \(ACOG, Kolisi o Foma'i Fa'atosaga ma Foma'i mo Siaki o Tinā i Amerika\)](#), ma [Society for Maternal-Fetal Medicine \(SMFM, Sosaiete e Sauniaina Vailaau mo le Mata'ituna o Tinā Ma'itaga\)](#) fautuaina le tui ole COVID-19 mo tagata o loo ma'itaga, fa'asusu, pe fuafua e ma'itaga.

Asiasi i le so'otaga lea e fa'alogo ai ia Dr. LaSalle ile mafua'aga ua fautuaina ai le faia o tui o le COVID: [Fafine fananau ma Tui puipui o le COVID-19 - YouTube](#)

Q: Fa'amata e suia e le tui le fa'asologa masani o lo'u ma'i masina?

A: O se vaega o tagata na faia tui o le COVID-19 ua lipotia suiga i fa'asologa masani o ō latou ma'i masina ina ua uma ona faia tui, e pei o le alu i se taimi umi, sina taimi puupuu ae toe alu i le va o ma'i masina poo le malosi o le alu nai lo le mea masani. [I se su'esu'ega 2022](#), na maua ai o i latou sa faia tui o le COVID-19 e itiiti ifo i le tasi le aso fa'aopoopo i le umi o le fa'asologa masani i le taimi o latou tui. O le suiga o le aso e tasi o loo i totonu o fesuisuia'iga fa'ataamilo e masani o le fa'asologa o le ma'i masina. E ui lava i nei suiga le tumau i le taamilosaga o le ma'i masina, e leai se fa'amaoniga o tui o le COVID-19 e mafua ai fa'afitauli o to'ala fanau. O se suiga i lau taamilosaga e ono suia le taimi masani o lou ma'i masina. O tagata e fa'aaogaina fuafuaga fa'anatura o aiga fuafuaina ma isi metotia e fa'alagolago i le fa'ata'amilosaga masani o ma'i masina e ono sili atu ona faigata ona iloa le taimi e alu ai le ma'i ma 'alofia/fuafuaga o ma'itaga. Talanoa ma lau foma'i e fa'atalanoa lau ta'amilosaga ma a'oa'o atili e uiga i aiga fuafuaina.

Q: E mafai e le tui o le COVID-19 ona aafia ai le fuafuaina o le fanau?

A: E tusa ai ma le Planned Parenthood, e leai se fa'amaoniga e fa'apea o le tui COVID-19 e sili atu pe fa'aititia ai le aoga o le fuafuaina o le fanau. I le taimi nei, e leai ni lipoti mai tagata o loo faia tui e fa'apea na le toe aoga a latou fuafuaga mo le fa'aititia o le fanafanau ina ua uma ona faia se tui. O le iai o lipoti o suiga o le ma'i masina, e le afaina ai le lelei o le aiga fuafuaina. E ono fa'afaigata ai i le su'esu'eina o le ma'i masina ma vaitaimi o le fa'ato'a fanau; o tagata e fa'aaogaina le aiga fuafuaina fa'alenua, e pei o le auala e fa'ailoa ai le mafai ona fanau, e ono faigata ona iloa poo afea e alu ai le ma'i masina. E i ai auala e mafai ona fesoasoani i tagata ta'ito'atasi e siaki ai taimi e alu ai o latou ma'i. E fautuaina le talanoa i lau foma'i e uiga i au filifiliga ma a'oa'o atili ai.

Q: E mafai e le tui ona aafia ai le suasi ma/pe mafua ai le le malosi?

A: E leai se fa'amaoniga e fa'aalia ai o soo se tui, e aafia ai tui o le COVID-19, e fa'atupuina ai fa'afitauli i to'ala fanau o i latou o loo i ai totoga tama i le lē maua o fanau poo le lē malosi o totoga sa i le taimi nei. O se [su'esu'ega la'ititi talu ai nei o tamaloloa soifua maloloina e 45](#) na faia se [tui o le mRNA COVID-19](#) sa va'ava'ai i uiga o suasi, e pei o le aofa'i ma gaoioi, a'o le'i faia ma pe a uma le tui. E leai ni suiga taua na maua e tagata su'esu'e i nei uiga o suasi ina ua uma tui. I le isi itu, o [se tasi su'esu'ega](#) na maua ai o le aafia ai i le COVID-19 e ono feso'ota'i ma le fa'aitiitia o le fananau o tamaloloa mo le oo atu i le 60 aso pe a uma aafiaga o le fa'ama'i. O le fiva mai soo se ma'i, ma se āuga masani o le COVID-19, e ono mafai ona āfua ai se fa'aitiitiga o le gaosiga o suasi mo se taimi pu'upu'u. E ui lava o le fiva e mafai ona afua mai tui o le COVID-19, e leai se fa'amaoniga o iai nei o le fiva pe a uma le tui COVID e a'afia ai le gaosiga o suasi. Talanoa ma lau foma'i pe a iai ni ou atugaluga.

Q: Fa'amata e a'afia togafitiga o le IVF (Fa'afeusua'iga i Auala Fa'afoma'i e Faia i Fale Su'esu'e) i tui puipui?

A: E leai se fa'amaoniga e ta'u mai ai o le tui COVID-19 e a'afia ai i'uga o tagata o lo'o faia togafitiga IVF. O su'esu'ega ua iloa ai e leai se a'afiaga o le tui o le COVID-19 mRNA i le tulaga manuia o fua fa'atatau o le IVF. E tasi le [su'esu'ega](#) e le'i maua ai se eseese tele i le tali atu i le fa'atuputupuia o totoga fanau, lelei fuamoā, tuputupu a'e o le afua'fua, poo taunu'uga o maitaga i tagata sa faia tui fa'atusatusa i fafine ma'i to e le'i faia tui. O tui o le COVID-19 e le'i afaina ai se totoga fanau, pe fa'atupuina atili ai le faigata mo i latou ua leva ona taumafai e ma'itaga. O le tele o tui e masani ona faia ma le saogalemu i le taimi o le ma'itaga ma a'o le'i ma'itaga, e pei o tui o le fulū, malō o maso o le auvae, ma tui o siama e aafia ai le isu ma le fa'ai, faigata ai ona manava ma aafia ai le fatu. O le tui ole COVID-19 e fautuaina mo soo se tamaitiiti e 6 masina ma matutua atu, e aafia ai ma i latou o taumafai e mama'i to.

Q: E mafai e le tui o le COVID-19 ona afua ai le fafano o ma'i o tinā ?

A: Leai, o le tui o le COVID-19 e saogalemu a'o le'i ma'itaga, a'o ma'itaga ma le mae'a ai ona fanau. E leai se fa'amaoniga e fa'apea o le faia o tui o le COVID-19 e fa'ateleina ai aafiaga i ma'i fafano o tinā. E le'i iai ni tulaga maualuga o fua fa'atulagaina i ma'i fafano i tinā ma'itaga sa faia tui o le COVID-19.

O le tulaga o ma'itaga fafano e maualuga atu nai lo manatu o tagata, e tusa ma le [10 i le 20 pasene](#) o ma'itaga e fa'ai'u i le fafano. O nisi tagata ua fai tui ua oo i tulaga o le fafano o ma'i, ae e le fesoota'i ma le tui- e mafai ona fafano le ma'i tusa lava poo le a le tulaga o le tui. O le mea moni, o tagata e ogaoga aafiaga o le COVID-19 i le amataga o le ma'itaga o loo i ai i le tulaga fa'ateleina o le lamatiaga i le fafano ai o le ma'i. O le tui e mo oe, ma lau pepe, o le puipui sili mai le COVID-19.

Punaoa

Centers for Disease Control and Prevention, "COVID-19 Vaccines for People Who Would Like to Have a Baby". 2022. E maua i luga o le 'upega tafa'ilagi o le: [COVID-19 Vaccines for People Who Would Like to Have a Baby | CDC](#)

American College of Obstetricians and Gynecologists, "COVID-19 Vaccination Considerations for Obstetric-Gynecologic Care". 2022. E maua i luga o le 'upega tafa'ilagi o le: [COVID-19 Vaccination Considerations for Obstetric-Gynecologic | ACOG](#)

World Health Organization, "Questions and Answers: COVID-19 vaccines and pregnancy." 2022. E maua i luga o le 'upega tafa'ilagi o le: [Questions and Answers: COVID-19 vaccines and pregnancy \(who.int\)](#)

Mount Sinai, "Large Study Provides Reassurance that COVID-19 Vaccination Does Not Affect Fertility or Early Pregnancy." 2022. E maua i luga o le 'upega tafa'ilagi o le: [Large Study Provides Reassurance that COVID-19 Vaccination Does Not Affect Fertility or Early Pregnancy | Mount Sinai – New York](#)

Fa'atalanoa i taimi uma lau foma'i fa'atuatua ina ile soifua maloloina i fa'ai'uga fa'afoma'i.